



“I te cherdì con to ennom” dij le Signur.

Con le Sacramont dal Bato ven tuta sö tla comunité dla Dlijia **Camilla Craffonara** (Longega). La ploania ti fej les miús aodanzas ai geniturs Walter y Martina: che Camilla pói cresce tla fede, vire tla speranza y sperimenté l’amur de Chelbeldio y dla jont.

- **Sontada dal consei pastoral en jöbia ai 19 d’aorí ales 20:00 te calogna:** grups de laur por Caritas, familia y domegna, dis dles crusc, partí fora la Santa Comegnun ples gran festes.
- **KVW La Pli:** le KVW Pli organiseia en domegna ai 22 d’aorí, do la gran messa cina misdé te scora en **marcé dai pöresc**. Gnide a ciaré, magari édl ince val por os. Ci co ven trat ete va ala Uniun de San Vinzenz.

1 enformaziuns y terminis

→ **I periun do vocaziuns:** la domegna, **ai 22 de aorí** - de mondial d’oraziun do vocaziuns - vegnel endo envié düc a to pert ala **prozesciun da Badia sö Oies, ales 14:00 da dljia de San Linert demez**. L’ann passé él sté der na bona partezipaziun; porchel n bel iolan y preitambel gnide endô a perié do vocaziuns, ch’i án tan y tan debojügn. (sig. Iaco Willeit, degan)

Oraziun da Taizé: la proscima oraziun de Taizé ven tignida en vendres ai 20 d’aorí ales 20:00 tla capela a Oies. Al se trata de en n’ora olá ch’al ven perié, medité y cianté en forma de Taizé. Düc é der bel enviés a tó pert.

Avis important: tal certl dles encuntades por le curs „Familiars fej le guern a ciasa“ sarál en lõnesc ai 16 d’aorí y en dedemesaledema ai 18 d’aorí ales 20:00 te Raiun Sozio-sanitar a Picolin n referat con dui esperc. En lõnesc baiará le dr. Gregorio Rungger sora „Le bot al ciorvel (Schlaganfall) sintoms, terapia y prevenziun“ y en dedemesaledema le psicologh Anton Huber sora „Angst und Depression im Alter – Temes y depresciun tla terza eté“.

Esperionza: le Consei de Formaziun d’Al Plan y la biblioteca Angelo Trebo envieia düc i enteressés en jöbia ai 17 d’aorí, ales 20:00 tla biblioteca d’Al Plan a na encuntada con Lucia Mischí da Lungiarü co cunta de söa esperionza fata tl’America desco möta da mituns.

Comun de Mareo: en lõnesc ai 22 d’aorí vegnel coü adöm ciomont da tosser; an pó le dé jö dales 8:00 ales 9:00 a Al Plan (da Comun) o dales 9:15 ales 10:15 a La Pli.

Döt le bun a:	nosc Papa emerité Benedet XVI.	* 16.04.1927
	Florian Ellecosta	* 19.04.1938
	Ludwig Willeit	* 20.04.1937
	y a düc chi co á santennom y complesc i agn cöst’edema	

Impressum: Ploania d’La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploian: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ



**Signur Gejú, splíghesse la Scritöra;
 fa che nosc cör verdi, canche te nes baies ados.**

📖 **St.Ap 3, 12a.13–15.17–19 | 1 Jan 2, 1–5a | Lc 24, 35–48**

Dal Vangelo do San Lúca:


[...] ³⁶Ciamó dertan ch’i baiâ de cösc, él gnü enstes amesa ei ete y ti á dit: Pêsc a os! ³⁷Ai s’á spordü y se temea dassenn, ciodí ch’i minâ ch’i odess n spirit. ³⁸Danló ti ál dit: Ciodi seise pa döt spordüs? Ciodi dubiteise pa te osc cör? ³⁹Ciaredi a mies mans y a mi pîsc: I sun iu enstes. Piédemo ete, y odede: Degün spirit n’á cern y osc, desch’i odeis pa me. ⁴⁰Pa cöstes parores ti ál mostré söes mans y sü pîsc. ⁴¹Ai se fajea demorveia, mo dala ligreza n’êi nia ciamó bognd da creie. Danló ál dit: Eise val’ da mangé atló? ⁴²Ai ti á dé n toch de pesc apraté; ⁴³al l’á tut y l’á mangé dan sü edli. ⁴⁴Spo ti ál dit. Cöstes é les parores, ch’i ves á dit, canch’i ea ciamó pa os: Döt mess s’ademplí ci co é scrit de me tla lege de Mosé, pa i profec y tai salms. ⁴⁵Sön chera ti ál daurí l’intellet ch’i capiss les scritöres. ⁴⁶Al ti á dit: Ensciö stál tla Scritöra: Le Messia sofriará y ressoriará dai morc le terzo de, ⁴⁷y te so ennom ti encündarán a düc i popui, metenn man te lerúsalem, ch’i dess dé ota, por che sü picés vegni pordenés. ⁴⁸Os seis de cösc mi testimoni.

Oraziun dal de

Periun! Dio onipotent, mantegnesse ennant la ligreza de Pasca, deache te i as scinché ala Dlijia na veia nea de vire y t’as fat lominé nosta dignité de fis de Dio te n sflandur nò: láscesse aspeté plens de confidonza le de dla ressozeziun desco n dé de iubilanza y de ringraziament.

Do cösc te periunse por nosc Signur Gejú Crist, to Fi, co é Dio y vir y regneia con te tl’unité dal Spirit Sant por düc i secui dai secui. – Amen.

(Lezionar B)



📖 **Letöres dla Cuarta domegna de Pasca:**
St.Ap 4, 8–12 | 1 Jan 3, 1–2 | Jan 10, 11–18

Edema liturgica dai 15.04. ai 22.04.2018

DOM 15.	Terza domogna de Pasca Domogna de San Ciascian y San Vigile	<i>Hunna, Damian</i>
08:30	gran messa por dōta la ploania <i>oferta por l'Universitè catolica de Milan</i>	
14:00 10:00	funziun dal Bato de Camilla Craffonara <i>s.m. a Al Plan</i>	
Lön 16. 07:30	<i>Bernardette Soubirous, Benedikt Josef Labre</i> <i>s.m. a Al Plan</i>	
Ded 17. → 07:45	<i>Eberhard, Rudolf, Max Josef</i> s.m. dai scolari por † Agnese Ellecosta ved. Erlacher, Ombolt s.m. por †† Jep y Rosa Ellecosta, Lüchesc	
Dem 18. 18:00	<i>Aya, Sabina, Alexander</i> <i>s.m. a Al Plan</i>	
Jöb 19. 19:30	<i>Leo IX., Werner, Friedrich</i> s.m. por la jont pūra s.m. por vis y defonti de Mareo s.m. por defonti Passler, Valsperch	
Ven 20. 07:10	<i>Hildegund, Odette, Wilhelm</i> <i>s.m. a Al Plan</i>	
Sab 21. 07:30 18:00	<i>Anselm da Canterbury, Konrad v. Parzham</i> s.m. por les Püres Armes s.m. por † Maria Ellecosta ved. Erardi, Marô s.m. por benefaturs vis y defonti <i>s.m. prefestia a Al Plan</i>	
DOM 22.	Cuarta domogna de Pasca, dal Bun Famei De mondial d'oraziun por les vocaziuns	<i>Wolfhelm, Cajus</i>
08:30	gran messa por dōta la ploania <i>oferta por i debojügn d'la ploania</i>	
13:30	funziun dal Bato de André Palfrader	
15:00	<i>a Pliscia</i> s.m. en onú de San Iorz y Sant'Antone s.m. de ringraziament de Paul y Maria Pedevilla	
<i>ampola:</i>	por fam. Trebo dal Craizer	
<i>ministronc:</i>	▶ da doman y domogna: Sabine Trebo y Natalie Comploi ▶ da sera y domogna: Pire Ellecosta y Ivan Trebo	
<i>i recordun:</i>	Magdalena Palfrader, Eyrs	+ 20.04.2011



(Lc 24, 35–48)

I ponsi do

*Gejú ressorí é le medemo
co é mort, co á pordiché y
vit con i discepui. Sen ôl
che ai creii che al é en vita,
desmostré che al n'é nia na
ilujjiun o na magia:
al é veramonter ressorí.*

*La pröma scincunda de
Gejú ai discepui é la Pêsc.
Al n'ô nia se vendiché
deache ai l'á lascé su
dertan i dis de söa pasciun,
al i salüda y i pîta söa
amicizia y so pordonn.*

I preii ensciö

Ai á pora de odei n fantasma, ai ne sa nia sce
ai pó ben creie en te.
Al t'á odü mazé sön na crusc, te söa mont él
tan de tema.

Ai s'an é sciampés tal momont la proa,
la coscionza i mord y i fej gní n stront al cör.
“Al é n fantasma!”, valch le sperâ, por podei
ti sciampé a so dolur.
Y tö i ciares con edli plens d'amur: al é la pêsc
che tö i portes, la pröma scincunda de Crist
rosserí, fede nea por dōta la tera.

I te periu, Gejú Salvatur, stasse dlungia a
vignönn de nos: tö es la fontana dla derta
speranza, dla pêsc y dal amur.

Walter Cazzaniga, Parola amica – Il Vangelo della domenica per ragazzi



Stories de Adam y Eva cuntades ai mituns (6)



La porsona y i tiers

Chelbeldio, le Signur, â tut “adama” – tera – y â formé düc i
tiers co vir söla tera: le snech pegher y la schirata asvelta,
le lu violent y la biescia saurida, l'elefant gaiert y la girafa, le
ciaval y le müsc, le camel y la gazela ...

Chelbeldio, le Signur, â ince formé i vicí co jora tal ci: le variö
potent y le picio colibri, le rensl y le gabian, la lerjora co cianta
da doman y l'usignol con söa ciancia da sera, la zicogna dles
iames lunges y le spazun grisc ...

Ensciö s'emplía l'urt “demorveia”: vigne tier ciáfâ söa speisa, vigne vicel ciantâ
söa melodia. Düc viea deboriada zonza messei se temei önn dal ater.

Chelbeldio, le Signur, â porté i tiers da Adam: önn endolater. Adam â odü i tiers
y ti â dé a düc so ennom: ala tigra y ala ciöra, al paom y ala colomba. Y cösc
ennom á ciamá aldedancö.

Mo danter düc i tiers n'â Adam nia ciáfé na compagna co passenâ pa el.

va ennant

**Andiamo avanti con la gioia della Risurrezione di Gesù:
Lui è sempre al nostro fianco!**

Papa Francesco, 05.04.2018